



# Menghormati, menghargai dan memuliakan guru

yang bermanfaat itu adalah amalan yang dipandang tinggi dan mulia. Daripada Abu Umamat Al-Baahili, Rasulullah Sallallahu Alaihi Wasallam bersabda yang bermaksud :

*"Sesungguhnya Allah Subhanahu Wata'ala, para malaikat dan semua penduduk di langit dan di bumi, sehinggakan semu di sarangnya dan ikan (di lautan) pasti berselawat (mendoakan) kebahagiaan bagi orang yang mengajar kebajikan kepada manusia."* (Riwayat Al-Imam At-Tarmizi).

Guru sebagai pendidik sememangnya mempunyai peranan yang sangat penting untuk menjadikan setiap anak didiknya bukan sahaja untuk menjadi orang yang berilmu dan cemerlang, bahkan juga berakhlak mulia. Ini kerana mereka mempunyai pengaruh yang sangat besar dalam pembentukan diri dan sahsiah para pelajar.

Oleh itu, para guru hendaklah menjauhkan diri daripada sifat-sifat keji dan tercela, mereka perlu memiliki sifat-sifat yang terpuji, antaranya sifat ikhlas dan sabar dalam mendidik dan menyampaikan ilmu pelajaran, bukan kerana balasan material atau mengharap pujian atau pangkat semata-mata.

Di samping itu, guru juga perlu mempunyai sifat dedikasi dalam menyampaikan ilmu, bersifat penyayang terhadap setiap anak didiknya, bersifat adil dan tidak mengamalkan sikap pilih kasih, amanah dan memberi komitmen yang penuh dalam setiap tugas yang diberikan, membuat persediaan yang secukupnya sebelum memulakan pengajaran, menjaga kehormatan diri dan keluarga, iaitu tidak melibatkan diri dengan perkara-perkara yang boleh menajutkan imej dan maruah diri, sama ada dari segi pakaian, percakapan mahupun perbuatan.

Sesungguhnya amanah yang dipikul oleh seorang guru itu sangatlah besar dan berat, kerana mereka bertanggungjawab untuk memperkaya para pelajar dengan ilmu pengetahuan, kemahiran dan nilai-nilai murni. Guru diamanahkan untuk melahirkan insan syumul yang berupaya

untuk memenuhi tuntutan duniawi dan ukhrawi. Oleh itu, agama kita menganjurkan supaya menghormati, menghargai dan memuliakan para guru, bukannya mencera, menghina apatah lagi melawan apabila ditegur oleh guru, kerana dikhuatiri akan hilang, ditarik atau tidak memperoleh keberkatan dan manfaat ilmu. Imam Al-Ghazali Rahmatullah menyatakan bahawa menghormati dan memuliakan guru merupakan tugas dan kewajiban kita sebagai murid, kerana guru itu bagaikan orang tua kita sendiri yang wajib kita hormati dan muliakan.

Ketahuilah, banyak hikmah yang dapat diperoleh dengan menghormati dan memuliakan guru. Antaranya memperoleh kejayaan hidup di dunia dan juga di akhirat, mudah mengingat dan memahami apa yang dipelajari, membentuk peribadi serta akhlak yang mulia dan yang paling penting ialah memperoleh ilmu yang diberkati oleh Allah Subhanahu Wata'ala. Daripada Ubadah bin As-Syami, Rasulullah Sallallahu Alaihi Wasallam bersabda yang bermaksud :

*"Tidak termasuk golongan kami orang yang tidak memuliakan yang lebih tua dan menyayangi yang lebih muda serta yang tidak mengerti (hak) orang yang berilmu (agar ditamatkan pandangannya)."* (Riwayat Al-Imam Ahmad).

Guru adalah seorang *Mudarris* (pendidik), *Mua'diff* (membentuk adab dan akhlak) *Murabbi* (mengasuh dan mendidik dengan kasih sayang), *Mua'llim* (menyampaikan yang benar) dan *Mursyid* (membimbing ke arah kebaikan). Mereka adalah insan mulia yang telah mengajar dan mendidik kita tanpa mengenal erti penat dan lelah. Oleh itu, segala kesusahan dan jerih payah yang mereka tempuhi dalam mengajar dan mendidik perlulah dihormati dan dihargai.

Perlu diketahui, tugas sebagai seorang guru dan pendidik bukanlah suatu tugas yang mudah. Ia menuntut kepada pengorbanan dan komitmen dari segi masa, tenaga, wang ringgit dan seumpamanya. Oleh itu, kita seharusnya berterima kasih di atas segala pengorbanan dan jasa guru yang telah mendidik serta membimbing kita, malah ibu bapa juga perlu

menghormati para guru yang mendidik anak-anak mereka sehingga menjadikan mereka insan yang berilmu, berjaya dan cemerlang.

Terdapat banyak cara yang boleh kita lakukan untuk menghargai jasa seorang guru seperti mengucapkan ucapan terima kasih, mengamalkan segala ilmu yang telah dipelajari, sentiasa mengeratkan hubungan silaturahim walaupun telah tamat pengajian, mendoakan kesejahteraan dan kebaikan mereka. Manakala bagi guru-guru yang telah kembali ke rahmatullah, sama-samalah kita mendoakan semoga dosa-dosa mereka diampunkan dan roh mereka dicucuri rahmat oleh Allah Subhanahu Wata'ala.

Alhamdulillah pada setiap tahun, negara kita Brunei Darussalam menyambut Sambutan Hari Guru. Ia merupakan satu pengiktirafan yang tinggi kepada para guru di negara ini yang telah berjasa dan menabur bakti terhadap pembangunan masyarakat dan negara. Tema Sambutan Hari Guru pada tahun ini ialah 'Pendidikan Berkualiti Teras kecemerlangan Pelajar'.

Akhirnya, guru adalah orang yang banyak berjasa dalam memberi ilmu pendidikan dan ilmu pengetahuan serta menjadikan para penuntut orang-orang yang berilmu dan berjaya dalam kehidupan mereka. Oleh yang demikian, jasa guru hendaklah sentiasa dikenang dan dihargai. Sama-samalah kita berdoa ke hadirat Allah Subhanahu Wata'ala agar para guru sentiasa dilimpahkan taufik dan hidayah serta diberikan kekuatan dan kesabaran dalam menjalankan tugas dan tanggungjawab mereka. Mudah-mudahan Allah Subhanahu Wata'ala sentiasa memberi petunjuk, inayah dan rahmat kepada guru-guru sama ada yang masih hidup ataupun yang telah kembali ke rahmatullah. Aamiin Ya Rabbal Alamin.

Firman Allah Subhanahu Wata'ala dalam Surah Al-Mujadilah, ayat 11 yang tafsirannya :

*"Allah meninggikan orang-orang yang beriman antara kamu dan orang-orang yang diberi ilmu pengetahuan dan jasa guru yang telah mendidik serta membimbing kita, malah ibu bapa juga perlu*

**MARILAH** kita bertaqwa kepada Allah Subhanahu Wata'ala dengan sebenar-benar taqwa, melaksanakan segala perintah-Nya dan menjauhi segala larangan-Nya. Sentiasalah kita berpegang teguh dengan ajaran Al-Quran dan mengikuti sunah Rasulullah Sallallahu Alaihi Wasallam. Antaranya dengan berusaha belajar, menuntut dan menguasai ilmu. InsyaaAllah, kita menjadi insan yang berjaya, selamat dan bahagia di dunia dan juga di akhirat.

Ilmu adalah pelita hidup yang sangat penting dan berguna dalam kehidupan, kerana dengan ilmu dapat membantu kita berjaya di dunia dan juga di akhirat. Sesungguhnya Allah Subhanahu Wata'ala mengurniakan darjat yang tinggi kepada orang-orang yang berilmu pengetahuan dan barang siapa yang berusaha mencari ilmu pengetahuan, maka dipermudahkan baginya jalan menuju syurga. Rasulullah Sallallahu Alaihi Wasallam bersabda yang bermaksud :

*"Sesiapa yang menempuh satu jalan kerana mencari ilmu maka Allah akan memudahkan baginya jalan syurga."* (Riwayat Al-Imam Al-Bukhari).

Apabila kita memperkatakan tentang ilmu dan pendidikan, maka guru adalah golongan yang amat penting dan bertanggungjawab dalam menyampaikan, mengajar dan memperkaya para pelajar dan masyarakat dengan pelbagai ilmu pengetahuan dan kemahiran.

Dalam agama kita, mengajarkan ilmu

## Jaga kesihatan selaras dengan Sunnah

serta menjilat jari selepas makan dan mengakhiri makan dengan rasa bersyukur menerusi lafaz 'Alhamdulillah'.

Hadir ke program tersebut ialah Setiausaha Tetap, Kementerian Hal Ehwal Ugama (KHEU), Dato Seri Setia Awang Haji Abd. Aziz bin Orang Kaya Maharaja Lela Haji Yussof.

Juga hadir ialah Ahli Majlis Mesyuarat Negara, Yang Berhormat Awang Haji Umarali bin Esung; Timbalan Setiausaha Tetap (Dasar dan Keagamaan), KHEU, Awang Haji Mohd. Serudin bin Haji Timbang; Pegawai Daerah Tutong, Awang Shamsul Bahrin bin Haji Mohd. Hussain dan lain-lain pegawai.

Acara dimulakan dengan sembahyang Fardu Subuh berjemaah yang diimamkan oleh Imam Masjid RPN Kampung Bukit Beruang, Awang Abdul Khaliq Qusyairi bin Ahmad, diikuti dengan bacaan Surah Al-Waqiah beramai-ramai yang dipimpin oleh Belia Masjid, Awang Mohammad Hadi Saifullah bin Abdul Rahim.

Diteruskan lagi dengan senamrobik dan seterusnya kempen kebersihan di masjid tersebut yang juga diselenggarakan

Berita dan Foto : Ak. Syi'aruddin Pg. Dauddin

dengan penanaman pokok. Program tersebut diungkuhkan melalui kolaborasi bersama Jabatan Hal Ehwal Masjid, Pusat Da'wah Islamiyah dan Ahli Jawatankuasa Takmir Masjid RPN Kampung Bukit Beruang, Daerah Tutong. Majlis antara lain bertujuan

untuk menanamkan jati diri dengan kecergasan fizikal dan mental serta memupuk semangat sifat kasih sayang dalam bermasyarakat dan mendidik masyarakat untuk bekerjasama dan bersatu padu sekali gus mengeratkan silaturahim dalam kalangan para peserta.



PROGRAM Rehlah Ilmiah yang diungkuhkan melalui kolaborasi bersama Jabatan Hal Ehwal Masjid, Pusat Da'wah Islamiyah dan Ahli Jawatankuasa Takmir Masjid RPN Kampung Bukit Beruang juga diisi dengan acara senamrobik.



SETIAUSAHA Tetap, Kementerian Hal Ehwal Ugama (KHEU), Dato Seri Setia Awang Haji Abd. Aziz bin Orang Kaya Maharaja Lela Haji Yussof membaca Surah Al-Waqiah beramai-ramai di Program Rehlah Ilmiah yang berlangsung di Masjid Rancangan Perumahan Negara (RPN) Kampung Bukit Beruang, Tutong.

**TUTONG.** Jumaat, 20 September- Perintah Allah Subhanahu Wata'ala agar kita semua memakan makanan yang halal dan thoyyib (baik dan bermanfaat) menunjukkan kasih sayang Allah kepada semua umat manusia.

Umat Islam, bahkan seluruh umat manusia diseru untuk menjaga kesihatan melalui konsumsi makanan selaras dengan ajaran (sunnah) yang dibawakan oleh junjungan besar kita, Nabi Muhammad Sallallahu Alaihi Wasallam.

Perkara tersebut dijelaskan oleh Adjung Penolong Pensyarah Universiti Islam Sultan Sharif Ali (UNISSA), Awang Abdul Rahman bin Haji Ajak yang bertajuk 'Kesihatan dalam Islam' pada Program Rehlah Ilmiah yang berlangsung di Masjid Rancangan Perumahan Negara (RPN) Kampung Bukit Beruang, Tutong, di sini.

Sunnah dalam pemakanan tersebut, jelas Penolong Pensyarah Adjung lagi ialah seperti makan dengan menggunakan tangan kanan dan dalam keadaan duduk